



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-21859-23.1/20
Sarajevo, 25.06.2020. godine

Na osnovu člana članu 14. Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo" broj 18/20), člana 12. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije Bosne i Hercegovine", br. 36/99, 54/04, 39/06, 14/09, 45/16 i 40/18) i člana 170. stav 1. alineja 24. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14-Prečišćeni tekst, 38/16, 44/17 i 28/18), na prijedlog Ministarstva za rad, socijalnu politiku, raseljena lica i izbjeglice Kantona Sarajevo, Vlada Kantona Sarajevo na 23. sjednici održanoj dana 25.06. 2020. godine, donijela je

PROGRAM INTERVENTNE PODRŠKE SOCIJALNO NAJUGROŽENIJIM LICIMA I PORODICAMA U KANTONU SARAJEVO ZA UBLAŽAVANJE POSLJEDICA IZAZVANIH PANDEMIJOM KORONAVIRUSA

I - OSNOVNA ODREDBA

Član 1.

Programom interventne podrške socijalno najugroženijim licima i porodicama u Kantonu Sarajevo za ublažavanje posljedica izazvanih pandemijom koronavirusa (u daljem tekstu: Program) utvrđuju se mjere podrške licima i porodicama u stanju socijalne potrebe koji su se obratili Javnoj ustanovi "Kantonalni centar za socijalni rad" (u daljem tekstu: Kantonalni centar) i Ministarstvu za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) u periodu od 60 (šezdeset) dana od dana proglašenja stanja prirodne i druge nesreće na području Kantona Sarajevo; korisnici interventne pomoći i način ostvarivanja pomoći; finansijski okvir za realizaciju Programa i nosioci aktivnosti.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



II - MJERE PODRŠKE

Član 2.

Mjere podrške licima i porodicama u stanju socijalne potrebe koji su se obratili za pomoć Kantonalnom centru ili Ministarstvu u periodu od 60 dana od dana proglašenja stanja prirodne i druge nesreće na području Kantona Sarajevo, realizirat će se kroz materijalno davanje u vidu interventne novčane pomoći u jednokratnom iznosu od 200,00 KM (slovima: dvijestotinekonvertibilnih maraka).

III – KORISNICI INTERVENTNE NOVČANE POMOĆI I NAČIN OSTVARIVANJA POMOĆI

Član 3.

Interventna novčana pomoć će se obezbijediti slijedećim kategorijama porodica i lica:

1. socijalno ugroženim nepotpunim porodicama,
2. socijalno ugroženim porodicama koje imaju jedno ili više djece sa težim ili teškim invaliditetom,
3. socijalno ugroženim porodicama koje čine osobe starije od 60 godina,
4. socijalno ugroženim polupokretnim i nepokretnim licima koja žive sama,
5. socijalno ugroženim licima sa društveno negativnim ponašanjem,
6. licima i porodicama u stanju izuzetne socijalne potrebe uključujući i žrtve nasilja.

1.1. Socijalno ugroženom nepotpunom porodicom u smislu ovog programa smatra se porodica koju čine jedan roditelj (drugi roditelj nepoznat, nestao, umro, napustio porodicu i njegovo prebivalište nepoznato ili u kojoj drugi roditelj ne izvršava obavezu izdržavanja, a što je Kantonalnom centru – nadležnoj službi socijalne zaštite poznato iz postupka praćenja izdržavanja), koji brine o jednom ili više djece, a koja ispunjava jedan od slijedećih uslova:

- da ne ostvaruje redovne prihode,
- da je porodica u kojoj jedno ili više djece boluje od od karcinoma, šećerne bolesti, leukemije, TBC, celijakije, kronove bolesti, ulceroznog kolitisa, hepatitisa B i C, epilepsije, ili dijete sa poremećajem autističnog spektra, a prihodi porodice nisu dovoljni ni za zadovoljavanje minimuma egzistencijalnih potreba, što cijeni Stručni tim Kantonalnog centra-nadležne Službe socijalne zaštite (u daljem tekstu: Stručni tim Kantonalnog centra);
- da je porodica u kojoj roditelj koji brine o djeci ima utvrđen invaliditet od najmanje 80%, i ne ostvaruje bilo kakve druge prihode osim prihoda po osnovu invaliditeta;
- da porodica ima dijete ometeno u fizičkom ili psihičkom razvoju.

2.1. Socijalno ugroženom porodicom koja ima jedno ili više djece sa težim i teškim invaliditetom, u smislu ovog programa, smatra se porodica u kojoj je kod jednog ili više djece, od strane nadležne institucije, utvrđen stepen tjelesnog oštećenja organizma od najmanje 80 % i koja,



osim eventualno ostvarenih primanja po osnovu invaliditeta djeteta, ne ostvaruje druga redovna primanja.

3.1. Socijalno ugroženom porodicom čiji su članovi porodice stariji od 60 godina, u smislu ovog programa, smatra se porodica koju čine osobe starije od 60 godina koje ne ostvaruju redovne prihode po bilo kom osnovu, odnosno porodica u kojoj je kod jednog ili više članova porodice, od strane nadležne institucije, utvrđen stepen tjelesnog oštećenja organizma od najmanje 80% i koja, osim eventualnih primanja ostvarenih po osnovu invaliditeta, ne ostvaruje druga redovna primanja.

4.1. Socijalno ugroženo polupokretno i nepokretno lice koje živi samo, u smislu ovog programa, smatra se lice sa težim i teškim invaliditetom i teško bolesno lice koje:

- ne može zadovoljavati svoje osnovne potrebe (brinuti se o svom zdravlju, higijeni i ishrani),

- nema srodnika koji su obavezni brinuti o njemu,

- treba cjelodnevnu brigu drugih osoba, i

- koje na privremeni smještaj ne prihvata Prihvatna stanica, odnosno ustanova socijalne zaštite.

5.1. Socijalno ugroženim licem sa društveno negativnim ponašanjem, smatra se lice koje se odaje besposličarenju, skitnji, prosjačenju, prostituciji, alkoholizmu, uživanju opojnih droga i drugim oblicima društveno negativnog ponašanja, koji ne ostvaruju redovne prihode.

6.1. Socijalno ugroženim licem ili porodicom u stanju izuzetne socijalne potrebe uključujući i žrtve nasilja, u smislu ovog programa, smatra se ono lice ili porodica koji ne ostvaruju redovne prihode i koji su uslijed stanja izazvanog pandemijom koronavirusa direktno pogođeni posljedicama iste i dovedeni u stanje izuzetne socijalne potrebe.

Član 4.

Interventna novčana pomoć obezbijedit će se porodicama i licima iz člana 3. ovog programa za potrebe:

- izmirenja kirije za podstanarstvo (ukoliko se radi o porodicama koje svoje stambeno pitanje rješavaju kroz iznajmljivanje stana, kuće ili druge stambene jedinice, što se dokazuje ugovorom o podstanarstvu, ili izjavama zakupca i zakupodavca),

- plaćanja režijskih troškova (električna energija, plin, grijanje, voda...),

- kupovine prehrambenih artikala, dječije opreme, higijenskih artikala i dezinfekcionih sredstava.

Član 5.

Interventna novčana pomoć licu ili porodici dodijelit će se nakon što Stručni tim Kantonalnog centra, na osnovu diskrecionog prava, utvrdi takvu potrebu.

Stručni tim Kantonalnog centra donosi Zaključak kojim, između ostalog, konstatuje jednu od slijedećih situacija:

- da se lice ili porodica nalazi u stanju socijalne potrebe koju treba hitno prevazići, a to nije u mogućnosti bez interventne novčane pomoći,

- da će lice ili porodica, posebno djeca u porodici, biti dovedena u još teže stanje socijalne potrebe (usljed iseljenja iz stambenog prostora u kome porodica boravi, isključenja energenata,



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



nemogućnosti adekvatne brige o djeci, gladi zbog nedostatka prehrambenih artikala, nemogućnosti održavanja lične higijene i higijene stambenog prostora, te dezinfekcije prostora u kome žive i slično), ukoliko se interventno ne reaguje,

- da se isplatom interventne novčane pomoći porodici direktno pomogne da otkloni/ublaži stanje socijalne potrebe.

Član 6.

Stanje socijalne potrebe procjenjuje se na temelju zahtjeva (izraženog usmeno-telefonom, pismeno-mail-om/putem pošte/lično), izjave i uvida u dokumentaciju koju:

a) općinska služba socijalne zaštite može pribaviti po službenoj dužnosti,

b) osoba koja treba pomoć može dostaviti putem pošte, elektronske pošte i na drugi način dokaze o pogođenosti pandemijom koronavirusa,

c) koja je dostupna, odnosno u koju je moguće izvršiti uvid kroz:

- elektronsku bazu podataka SOTAC, radi provjere da li neko od članova porodice ostvaruje prava po osnovu Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije Bosne i Hercegovine", br. 36/99, 54/04, 39/06, 14/09, 45/16 i 40/18) i Zakona o socijalnoj zaštiti, zaštiti civilnih žrtava rata i zaštiti porodice sa djecom Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14-Prečišćeni tekst, 38/16, 44/17 i 28/18), te podzakonskih akata donesenih na nivou Kantona Sarajevo,

- postojeću evidenciju koju vodi Kantonalni centar, radi provjere da li je porodica ranije evidentirana s ciljem korištenja postojeće dokumentacije za procjenu stanja socijalne potrebe i po potrebi,

- provjeru stanja socijalne potrebe posjetom porodici i uvidom u socio-ekonomske prilike porodice.

Član 7.

Nakon što se utvrdi stanje socijalne potrebe lica ili porodice, Stručni tim Kantonalnog centra donosi Zaključak o ispunjavanju uslova za priznavanje prava na interventnu novčanu pomoć.

U Zaključku o ispunjavanju uslova za priznavanje prava, između ostalog, navode se: razlozi kojim se Stručni tim Kantonalnog centra rukovodio prilikom utvrđivanja stanja socijalne potrebe, dokumentacija koju je Stručni tim Kantonalnog centra cijenio, kao i informacije dobijene izlaskom na teren i razgovorom sa podnosiocem zahtjeva.

Kantonalni centar na osnovu podataka dostavljenih od općinskih službi socijalne zaštite sačinjava spisak lica i porodica za koje je potrebno obezbijediti interventnu novčanu pomoć, te isti, potpisan i ovjeren od strane nadležnog organa, dostavlja Ministarstvu na isplatu. Uz navedeni spisak lica i porodica, a koji sadrži ime i prezime korisnika, adresu stanovanja i broj bankovnog računa, Kantonalni centar Ministarstvu dostavlja i Zaključak Stručnog tima Kantonalnog centra, za svaku porodicu ili lice pojedinačno.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



V FINANSIJSKI OKVIR

Član 8.

Za realizaciju Programa obezbijedena su finansijska sredstva u iznosu od 200.000,00 KM (slovima: dvijestotinekonvertibilnih maraka) u Budžetu Kantona Sarajevo, na poziciji Ministarstva za rad, socijalnu politiku, raseljena lica i izbjeglice – NAM 001 – Socijalna zaštita.

Mjere podrške licima i porodicama koji su se obratili Kantonalnom centru i Ministarstvu u naprijed navedenom periodu, realizirat će se kroz materijalna davanja u vidu interventne novčane pomoći u jednokratnom iznosu od 200,00 KM (slovima: dvijestotinekonvertibilnih maraka).

Programom se obezbjeđuje interventna novčana pomoć za 1.000 lica/podjeca u stanju socijalne potrebe.

VI - NOSIOCI AKTIVNOSTI

Član 9.

Nosioci aktivnosti na realizaciji ovog programa su: Javna ustanova "Kantonalni centar za socijalni rad", Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

Ministarstvo za rad, socijalnu politiku, raseljena lica i izbjeglice Kantona Sarajevo će izvršiti monitoring i evaluaciju Programa i o tome informisati Vladu Kantona Sarajevo.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1

